



UNIVERSITÄTS-
BIBLIOTHEK
PADERBORN

Universitätsbibliothek Paderborn

Athanasii Kircheri Soc. Iesv Diatribe. De prodigiosis Crucibus

Kircher, Athanasius

Romae, 1661

Capvt I. De prodigijs in genere, eorumque significatione.

urn:nbn:de:hbz:466:1-11300

PARS TERTIA,
PROGNOSTICA.

CAPUT I.

*De prodigijs in genere, eorumque
significatione.*

POSTQVAM dignitas
humani generis per pro-
toplasti peccatum conta-
minata decidit, illa vtiq;
non solum ab harmonia
pristina plurimum reces-
sit, sed & infesta sibi & contraria, quæ
pridem ad obsequium condita fuerant
Mundi & contenta & continentia, per
classes singulas inuenit; proximè quidem
in elementis omnibus, secundò in mix-
tis corporibus inanimatis, tertio in ani-
malibus, ac postremò quod omnium
grauissimum duco, intra propriæ stru-
cturæ fines, in suimet animi & corpo-
ris symmetria, quæ quidem numerosio.

F ra

Malorum
origo ex
peccato
protopla-
storum.

DEVS
ostentis
peccato-
res ad pe-
nitentiā
vocat.

ra sunt, quàm vt recenseri possint, no-
tiora quàm vt debeant. Cum igitur vi-
rus illud tabificum ab homine tanquam
capite in membra vniuersitatis cætera
dimanauit, meritò ab ijsdem vicissim
odij & inimicitiae semina, flagella, Cru-
ces, omnigenæ calamitatis machinæ iu-
xta Adraastiæ legem ineuitabilem retor-
quentur, elementis cunctis in hominis
perniciem conspirantibus; quin vel ipsa
alimenta, tum apertis, tum occultis quã-
doque cuniculis adoriuntur, vt quæ vi-
tam dederant prius, temporis orbe iam
reuoluto, veluti indicto bello, quod con-
struxerant, rursus elidant, & extermi-
nent; quorum quidem consideratione
nihilò meliores homines in omnium
scelerum barathrum, omni DEI abie-
cto timore se præcipitarunt: Et sane
totum humanum genus veluti veterno
quodam peccatorum sopitum utique
periisset, nisi id Diuina clementia sub-
indè per insolita signorum ostenta, ad
cor reuocaret. Quæ quidem pro infini-
ta DEI misericordia & bonitate, ita
temperantur, vt ex summis malis, qui-
bus errantem Mundi statum perterret,
sum-

summum bonum educat; dum enim signis hisce preuijs futuras Rerumpublicarum Ecclesiæque calamitates nunciat, peccatores ad poenitentię opera amplexanda, quibus eas euadant, sollicitat, iustis verò ad eas forti animo tolerandas in ampla meritorum premia conuertit. Vnde luculenter patet DEVM huiusmodi malorum signis, mortalibus non nisi sub hypothesi comminari, vti Sacrae Historiæ innumera comprobant exempla; Nam vt rectè S. Gregorius: Si inquit, *bona promissa reuocat Omnipotens DEVS, quia ab ijs, quibus promiserat, malè permutantur, quanto magis minarum effectus retrahit, cum benè conuersos eos respicit, quibus pro admissis iniquitatibus pœnas animaduersionis intimaui.* Vtraque sanè reuocat, cum oportet; promissiones, nè de illis præsumptionis impetu intransuersum agamur; comminationes, ne propter illas omni abiecta fiducia in desperationis barathrum labamur; & has quidem reuocat ne puniat, illas quodammodo inuitus, ne benefacere desistat; cui cum nihil non pateat, nihil nec quicquam fieri certum est, sed om-

Prodigia
sunt ve-
luti hiero-
glyphica,
arcanè ra-
rios euē-
tus signi-
ficantia.

nia, vel tum in hominum bonum, tum ad nominis sui gloriam ac salutem Vniuersi, vel etiam hoc nomine, quæ apud nos nostro iudicio planè fortuita censeantur, sæpè & iniusta, aut à Diuinæ prouidentiae legibus aliena, tandem ad exactam æqualitatem redigantur. Sunt itaque rara & insolita huiusmodi phasmata in omnibus Mundi ordinibus elucescentia veluti hieroglyphica quædam symbola ænigmaticis allegoricisque inuoluta significationibus, quæ Diuinæ sapientia in cœlo, terra, elementis, veluti libro quodam descripsit & mortalibus legenda proposuit, vt si quando à Diuinorum mandatorum semitis recesserint, intentatis, quas ostentat minis terreantur, & ad meliorem frugem conuertantur.

Vtitur autem DEVS Opt. Max. aliquando naturalium rerum causis ad huiusmodi effectus demonstrandos, nullo miraculo interueniente vti supra dictum est, nisi quod illæ ita Diuinæ prouidentie dispositioni à primordijs Mundi connexæ sint, vt ex se & sua natura infallibilem effectum consequantur, nisi eius,
qui

qui omnia moderatur in omnibus, imperio vel impediuntur, vel vires suas liberè exercere permittantur. Per signa itaq; huiusmodi D E V S voluntatem suam explicat, vel in bonum, vel in malum pro dispositione mortalium bonum vel malum ijs intentatum acceptantiū. Addit rei nouitati terrorem & formidinem, qua perculsi protinus, nescio quid inauspicatum ex proposito ipsis ostento sibi Mundoque ominentur. Nasceitur exempli gratia quidpiam ex eorum numero, qui præ cæteris aliquid diuinius præferunt, crinitum Sidus aut Cometes, cuius vel ad primum conspectum mortales veluti panico quodam timore perculsi, ex insito quodam impultricis Naturæ instinctu, è vestigio eius ex magnitudine, forma, figura, motu, colore futurorum euentuum significationes, vel ad ipsam vsque superstitionem hoc pacto euoluere incipiunt, vt qui gladium iaculum aut tubam refert, bellis significandis oportunior existiment; qui Solis similitudinem gerit, magni alicuius Principis ortum, si læto fulgore corruſcet: obitum, si tristi colore perfusus

Vaticinia
ex Comete
varia
figura &
analogia
ad res
naturales

palleſcat; tragicum funeſtumque finem,
ſi ater aut ſanguine tinctus videatur.
Atque hoc pacto, continua quadam
analogia ad politicum Mundum tradu-
cta, ex præacuta eius pyramide ignis do-
minium, igneum nempe feruorem, &
bili generandæ opportunum, qua homi-
nes in furores rapti, bella ſitiunt, quæ
mox indiuidui comites fames & peſti-
lencia conſequuntur. Qui verò vberi
diffuſione ſub aquea ſubſtantia ſpectan-
tur, hoſce ex analogia quadam elemen-
ti aquei ad ſeditiones, rumores, popula-
rium commotionum tumultus, malo-
rum omnium cataclyſmos transferunt;
ſi verò ſubfuſci & perturbatæ figuræ ſi-
gna oſtendunt, tunc terræmotus, rerum
penuriam, Ciuitatum ſubuerſiones, le-
gumque augurantur mutationes. Si
denique dilutioris coloris multiformi
radiatorum diffuſione effuſerit, ob aëris
quandam analogiam ad peſtilentiæ ſtra-
ges morboſque id generis inſolitos, fe-
roces & epidemicos haud incongrue
eum applicari poſſe exiſtimant. Quam-
uis vt verum fatear, illa mille ſuperſti-
tionibus inuoluta nihil certi promittant

par-

partim ex ignorantia rerum agentium, ut stellarum, & quæ stellis proximæ sunt, siue substantiam spectes, seu magnitudinem; partim propter particularium concurrentium rationum multitudinem penè infinitam, inquisitionis difficultatem, sensus denique aut observationis inopiam; Nam si intimum materiæ receptoris sinu penitus excusseris, quam multiformem illicò in inferiori Mundo solius vel loci, vel temporis ratione varietatem deprehendes! quam obscuram causarum agentium passibiliumque inter se applicationem! quorum sanè proportionem uti in humani intellectus caput non cadunt, ita solus ille intelligit, qui mensuras primùm, numeros & pondera rebus vniuersis geometrica lege præfixit, qui & maiorem huius providentiæ partem magnis Naturæ involucri circumscripsit: Vnde fit, ut considerandarum rerum varietas incertum, animum carnisque umbraculo tectum, hinc indè in contraria sæpè deflectat, inque simplicioris veri sententia consistere vix patiatur. Paret & hoc in monstruosis mulierum partibus, quibus occultum

Causarum
nonnullarum
intima actio
penetrari
non potest.

Monstrū
Mahume-
tis ortum
præsigni-
ficans.

Inducit
allusionem
ad
monstrum
Mahometi
ortum
præsignificans.

DEVS
peccata
mortalium
rebus a-
nalogis
punit.

DEI iudicium semper funestum ali-
quem in Ecclesia DEI rerumque pu-
blicarum administratione, euentum ve-
luti hieroglyphicis quibusdam simbolis
prænotatum demonstrat. Sic anno Chri-
sti 696, puer biceps & quadrupes Bisan-
tij natus, suis symbolis execrandum ne-
farij Mahometis ortum vno post anno
secutū graphicè sanè, & veluti ἐν τῷ τύπῳ
demonstrauit; id est duplici capite, ver-
sipellis animi calliditatem & fraudolen-
tiam, quadruplici crurum pedumque
discrimine, monstruosæ doctrinæ dog-
mata in quatuor Mundi partes euulga-
tionem. Innumera hoc loco adducere
possem monstrorum natorum paradig-
mata, quæ & Mundum stupore, & Hi-
storiarum, tum sacrorum, tum propheta-
rum annales tragicis euentibus inde
consecutis repleuerunt. Sed qui curio-
sius ea euoluere desiderat, is consulat
Lycofthenem, Cornelium Gemmam,
aliosque innumeros, qui copioso hanc
materiam argumento prosecuti sunt.
Est & hoc maxima consideratione di-
gnum, DEVM subindè diuersa Mundi
præuaricantis delicta analogo quodam

&

& prorsus simili prodigiorum genere
exprimere, vti per incendia & siccitates
prodigiosas immodicum inualescentis
monstruosæ luxuriæ æstus, quo impu-
ni quadam peccandi licentia nulla Di-
uinarum legum habita ratione homines
exardescunt; gulæ intemperantiam per
locustarum muriurnque derepente re-
pullulascentium infinitam multitudinē,
qua omnibus ad vitam sustentandam
necessarijs rebus consumptis, Mundum
qui excessu peccauerat, rerum omnium
defectu & inopia culpam luat; & sic de
ceteris, quæ sagaci Lectori euoluenda
relinquo. Quin & hoc quo hæc scribo,
anno cuncta supramemorata prodigia
in varijs terræ partibus euenisse compe-
rio. Cometa vbique locorum visus &
obseruatus, multiformes monstrorum
fætus; Montium incendia, fluminum
exsiccationes, nouorumque alibi erup-
tiones, aquarum calidarum in frigidas
mutationes, terræmotus frequentes &c.
In Heluetia propè Solidurum, Montem
Iuram ferè medietate sua præterlapso
mense, vti & in Gasconia alterum, inau-
dito casu subsedisse accepimus. In cāpis
Roma-

Huius ex
pecedē-
tis anni
1661. in
Mundo
varia pro-
digia.

Romani territorij maritimis non ita pridem Draconem bipedem nec non alarum remigio caudaque formidabilem occisum à venatore, quem & halitu virulento intoxicatum Romæ tandem defunctum nouimus. Perusij quoq; mense Februarij, hoc eodem anno Basiliscum, alis, dentibus, cornuque longo repandoque ex fronte protuberante horrificum ex ouo Galli veteris incubitum natum Patres nostri Perusini oculati eius monstri testes ad me perscribunt. Quæ omnia quamuis insolitæ Naturæ operationes sint; Quid tamen D E V S Opt. Max. per illa Mundo significare velit; is forsân, qui hieroglyphica quibus huiusmodi ostenta exprimuntur, symbola, ritè expenderit, enodarique coniecturare poterit. Quare hisce relictis iam propius ad propositum nobis argumentum explanandum accedamus.

